

第一三一册

方輿彙編

職方典

撫州府部

臨江府部

吉安府部

(卷)

八九〇

八九一—八九六

八九七—九〇四

古今圖書集成

中華書局影印



古今圖書集成

卷一百一十五

古今圖書集成

卷一百一十五

欽定古今圖書集成方輿彙編職方典

第八百九十卷目錄

撫州府部藝文二詩

華子岡麻源第三谷

宋謝靈運

清溪道

唐劉長卿

西亭野望酬秦徵君

戴叔倫

筆架山雲錦樓

葛長庚

青雲亭閒坐

宋曾鞏

南湖

前人

石門

前人

清風閣

前人

鮑公水

王安石

試茗泉

前人

烏石岡過外弟飲

前人

烏石

前人

柘岡山

前人

白鹿泉

陸游

擬峴臺

前人

上巳日臨川道中

前人

前坪詩戲書觸目

前人

金石臺

前人

雨登擬峴臺觀江漲

前人

白鹿泉

前人

發臨川

劉克莊

南湖

趙汝談

天寧寺泉

楊長孺

羊角山

元趙子昂

小源集事

虞集

何尚書山莊

前人

將登華蓋山

前人

登華蓋山有賦寄薛元卿

前人

奉祠華蓋

前人

黃茅岡丹室五首

前人

昭清觀

前人

東巖寺

前人

靈興觀

吳澄

上方觀

前人

良安峽

揭傒斯

石橋

明何太中

石碧

艾申

擬峴臺

李夢陽

青雲亭

前人

翠雲洞

徐良傳

文昌新河

前人

峯下示采藥客

湯顯祖

西池望二仙橋

前人

白水

前人

金鷄城前望白水有懷

前人

良安峽

揭重熙

洗墨池

劉玉瓚

羊角洞

前人

翻經臺

前人

擬峴臺

前人

金柅園

前人

玉茗堂

前人

撫州府部紀事

撫州府部雜錄

撫州府部外編

職方典第八百九十卷

撫州府部藝文二詩

華子岡麻源第三谷

宋謝靈運

南州實炎德桂樹凌寒山銅陵映碧澗石磴瀉紅泉

旣枉隱淪客亦棲肥遁賢險徑無測度天路非術阡

遂登羣峯首邈若升雲烟羽人絕髮鬚丹丘徒空筌

圖牒復磨滅碑版誰聞傳莫辨百世後安知千載前

且申獨往意乘月弄潺湲恒充俄頃用豈爲古今然

清溪道

唐劉長卿

山行二月春留宿意何真埽榻蒙高士浮杯慰逐臣

鳥鳴朱鶴老花發碧桃新明日天涯去相思不可親

西亭野望酬秦徵君

戴叔倫

終日媿無政與君聊散襟城根山半腹亭影水中心

朗味竹窻靜野情花逕深那能有餘興不作剡溪尋

筆架山雲錦樓

葛長庚

萬頃平田指掌間松梢直上與簷干雲粘暮色月華

濕樹顛秋聲天籟寒窻外好山千翡翠屋頭修竹萬



青雲亭閒坐

宋曾鞏

一登此亭高復脫藩籬擁開顏廣軒開吹面驚飈動  
城回石崖抱山亂寒潮湧谷草晚更芳沙泉細猶洶  
崢嶸四封壯縹緲如氣捧連天廣衢走拂日長簷聳  
區區射聲利浩浩奔蹄踵趨榮衆所便冒涉吾久恐  
緬懷山水宅環觀松檜拱屬耳天籟樂脫身人事冗  
幽閒味雖薄放蕩愚所勇窮兇勢猶競殺伐聲更詢  
揚揚劍臣貴煜煜官兵寵諒知草茅微無補社稷重  
收放手長鞭耕鋤躬瘦隴尚或此心諧豈云吾道壅

南湖

前人

二月南湖春水多春風蕩漾吹湖波著紅年少里中  
出百金市上裁輕羅插花步行看影手中掉旗唱  
吳歌放船縱棹鼓聲促蛟龍擘水爭馳逐倏忽遠  
誰可追朝在西城暮南溪奪標得雋惟恐遲雷轟電  
掣使人迷紅簾綵舫觀者多美人坐上揚雙蛾斷瓶  
取酒飲如水盤中白笋兼青螺生長江湖樂卑濕不  
信中州天氣和

二

東南溪水來何長若耶清明宜靚妝南湖一吸三百  
里古人已疑行鏡裏春風來吹不生波秀壁如簾四  
邊起蒲芽荇蔓自相依躑躅天桃開滿枝求羣白鳥  
映沙去接羽黃鸝穿樹飛我坐荒城苦卑濕春至花  
開曾未知蕩槳如從武陵入千花百草使人迷山回  
水轉不知遠手中紅螺豈須勸輕舟短楫此溪人相  
邀水上亦湔裙家住橫塘散時晚分明笑語隔溪聞

石門

前人

細草疎雲一徑涼縱吟閒望興何長僧關入竹行隨

意野茹持錢得滿筐江腹遠吞千壑翠峽門高控兩  
崖蒼乘秋更欲西山雨一洗郊原晚稻香

清風閣

前人

百級危梯曲曲成闌干朱碧半空橫天垂遠水秋容  
靜雪壓羣山霽色明海燕力窮飛不到郊園陰合坐  
猶清風前有客須畱醉莫放歸遲月滿城

鮑公水

王安石

村南鮑公山村北鮑公水高穴逗遠源泠泠落山背  
玉色與飴味不可他味比竹樹四蒙密翠藤相披靡  
漫郎昔少年幽居得之此臨窺若有遇愛歎無時已  
浮名未污染永天終焉爾奈何中棄入長安十載風  
塵識舊顏謹寫滿耳不可洗此水泠泠空在山

試茗泉

前人

此泉地何偏陸羽未曾閱坻沙光散射寶乳甘潛洩  
靈山不可見嘉草何由掇但有夢中人相隨掬明月

烏石岡過外弟飲

前人

一日君家把酒杯六年波浪與塵埃不知烏石岡邊  
路至老相尋得幾回

烏石

前人

烏石江頭躑躅紅東江柳色漲春風物華人意爭相  
值未日畱連草莽中

柘岡山

前人

萬事紛紛只偶然老年容易得新年柘岡西路花如  
雪回首春風最可憐

白鹿泉

陸游

小雨病良已新秋夜漸長隔城聞鶴唳出戶逐螢光  
荒徑穿蒙密遙空望莽蒼泉聲落環珮肝肺爲清涼

擬峴臺

前人

層臺縹緲壓城闌倚杖來觀浩蕩春放盡樽前千里  
目洗空衣上十年塵縈回水抱中和氣平遠山如輶  
藉人更喜機心無復在沙邊鷗鷺自相親

上巳日臨川道中

前人

二月六夜春水生陸子初有臨川行溪深橋斷不得  
渡城近臥聞鼓角聲三月三日天氣新臨川道中愁  
殺人纖纖女手桑葉綠漠漠客舍桐花春平生怕路  
如怕虎幽居不肯遊城府鶴軀高瘦坐長飢龜息無  
聲惟默數如今自憐還自笑斂板低心事年少儒冠  
未恨終身誤刀筆最驚非素料五更欹枕一悽然夢  
裏扁舟水接天紅蕖綠芰梅山下白塔朱樓禹廟前

前坪詩戲書觸目

前人

道旁小寺名前坪殘僧二三屋半傾旁分千畦畫楸  
局正對一山橫翠屏修纖弱蔓上出援堅瘦穉柏當  
前榮稻秧正青白露下桑椹爛紫黃鸝鳴村墟賣茶  
已成市林薄打麥惟聞聲泥行杖藜叱雞犢野饁燒  
笋炊香秔十年此樂發夢想忽然到眼難爲情上車  
欲去復回首那得暮景與浮名

金石臺

前人

漸是惜時節斯遊那可忘雪晴天淺碧春動柳輕黃  
笑語寬衰疾登臨到夕陽未須催野渡聊欲據胡牀

雨登擬峴臺觀江漲

前人

雨氣昏千嶂江聲撼萬家雲翻一天墨浪蹴半空花  
噴薄侵虛閣低昂泛斷槎壯遊思夙昔乘醉下三巴

白鹿泉

前人

坐穴黎牀愧未能酌泉聊喜曳枯藤詩從病後功殊



少酒到愁邊量日增事業何由垂竹帛笑談空覺負  
交朋興闌却逐棲鴉返寂寞西窗已上燈

發臨川

劉克莊

始予卯角來家君綰銅墨縣齋多休暇縣圃足戲劇  
雖云嗜梨栗亦頗窺簡冊弟妹俱孩幼親髮方如漆  
後予捧檄至軒蓋候廣陌於是志氣銳門戶况烜赫  
郡花照席紅湖柳拂鞍碧耆老互問訊酒餼紛狼籍  
今予挑包過城郭宛如昔高年凋落盡滿眼少朋識  
管子居瘴烟屈叟掩泉窆華門訪舊師日闔面黧黑  
買醪與之酌往事話歷歷既生異縣感遂起故鄉憶  
吾翁墓草深高堂已斑白貧居滄海空遠遊溫清隔  
二年官海濱子女各有適曾不如阿奴碌碌在母側  
回思盛壯時去矣難復得因成臨川吟吟罷淚橫臆

南湖

趙汝談

每憶南湖上青帘賣酒亭柳條魚鱗翠花片馬蹄聲  
寒食經行路晴窗入夢屏因循春又晚風絮攪空庭

天寧寺泉

楊長孺

法眼三泓井曹源一滴泉經乾杜宇血碑老徑山禪  
衲子非常釋叢林別是天方諸多少淚分灑汝江邊

羊角山

元趙子昂

萬家樓閣翠雲屯中有名山古跡存玉漏不催開日  
月禁城空鎖別乾坤一拳白石封巖穴三市紅塵隔  
洞門欲問仙凡靈幾許何須窮海極崑崙

小源集事

虞集

靈源佳氣勝古樹接新烟流水連書閣彤雲映玉泉  
人間修竹裏客放小窗前地迴多豪俠中原別有天

何尚書山莊

前人

盛德高年陟泰階歸尋仙隱石樓開舊閣前引朱衣  
吏每爲行吟綠徑苔夜色園林瓊園樹春寒庭館石  
湖梅誰家今有賢孫子黃菊同秋興客來

將登華蓋山

前人

石斛金釵感素秋洞懸鍾乳入山幽扶衰不是人間  
藥強健聊爲物外遊雲作衣裳塵不染詩成珠玉世  
誰收石人久立黃茅月歲歲能來爲客畱

登華蓋山有賦寄薛元卿

前人

相期秋晚命柴車同看華峯散綵霞農父苦畱杭似  
雪山人先許棗如瓜蛟龍巨石痕猶在鶴立危峯語  
不譁邂逅不留知有意林臺菊有未開花

奉祠華蓋

前人

三峯宮殿接新橋十月長齋陟翠嶢朝步仍垂蒼玉  
珮登歌還引紫瓊簫千秋絳蠟連虹貫五色香雲向  
日飄賴有高人陪後乘輕清詩句似參寥

黃茅岡丹室五首

前人

華山東下有茅岡云是毛公舊隱場青露尚餘丹滿  
白白雲今許草爲堂冬憑野燒開荒隴春託山雷淨  
石牀從此便爲千載計洞天遙拜紫元章

二

茅岡地主古醇儒乞我岡頭作隱居嶺上閒雲從管  
領澗中流水聽開除刀耕火種從茲始雨笠風瓢便  
有餘自古詩人多會合浮丘毛氏不愁予

三

石人屹立古仙壇雙澗交流拱一盤臨水種松須匠  
匠就中作室要寬安洞經即日修真訣玉臼逢春浴  
舊丹却恐山中添故事題詩莫與世間看

四

仙遊辦得茅千束華蓋須分屋數間微詠玉經忘我  
老謾調金鼎勝於閒龍雷變化從舒卷鶴露清寒自  
往還何似綺園諸老者採芝初不離南山

五

茅岡初割一溪雲元契華陽舊隱文謁簡自題香案  
吏封章先報大茅君種成和露桃千樹借與摩霄鶴  
數羣便是宸清眞洞府不煩夢想託紛紜

昭清觀

前人

仙遊亭子北門東樹木烟霞野逕通秋淨華峰千仞  
表春濃仙縣百花中昔人黃鶴何年去九日清尊此  
會同醉插菊花歸路晚莫令狂客惱山公

東巖寺

前人

雲林流水到崖前山色溪聲意宛然昨夜一竿修竹  
外東西無影月孤圓

靈輿觀

吳澄

書窓候曙色紙白朝復朝自聞雨聲斷不厭日氣歔  
一襟夏簟爽萬慮春冰消空中九畹香飄下襲桂椒  
夜堂月影清劇談神境超曉轡露蹄濕前瞻天宇昭  
靈峯存舊跡方士構新寮共尋幽棲勝未計歸程遙  
忽悟種植理嘉木生柔苗四眸瞻仙娥示以髮髻髻  
叩頭禮阿母賜以婉婉嬌黍炊邯鄲枕樹響箕山瓢  
食已問前路征人趣良宵此時別緒惡風簫寸心搖  
明晨喜機動霞暈雙臉潮夢云蘭茁芽驚見梓附喬  
先期命桐君爲子歌椒聊登閣望芙蓉麻烟起蒸窰  
懸如及問子笑語谷口囂親懽怡怡奉客話款款邀  
廣廈足清美高田尚枯焦幸翁納溝愧長願陰陽調



彼哉隔幻膜參養祇自驕誰念作苦者塵甑午腹枵  
道眼同一視仁聲徹層霄蛻除小窠曰脫殼匪蟬蛻

上方觀

前人

元亨播羣品貞利固靈根非語諒無有五性實斯存  
世人逞私見鑿智道彌昏豈若林居子幽探萬化原

夏安峽

揭傒斯

良安峽裏子規啼峭壁蒼蒼北斗低雲氣倒連山影  
合石稜斜鬪浪聲齊南風盡日迎歸棹落月空江夢  
故樓一室十人分數郡百年幾處候晨鷄

石橋

明何太中

未許與公知此山應真飛錫于其間陰凝黑霧落半  
跨夜凍銀河僵一灣偃月光通空翠眩回風聲靜雨  
花閒山中仙人渺何許白鶴三招殊未還

石碧

艾申

突兀倚蒼穹誰云巧妙工滴油崖已竭神運屢常空  
人入嵌崆裏春歸杖履中一翁何處在孤塔凜高風

擬峴臺

李夢陽

巍巍東隅城俯瞰清江曲依依城上臺軒檻欄以屬  
臨川固名郡才俊况相逐深冬靜晨陽取暇肆筵囑  
乾河白浩浩雲深曠我目驚風起孤鴈遙山響寒木  
徒倚發迴照沉吟嘆先躅故激日奔改危址幾崩覆  
但覩碑字滅奚咎推謝速高觴聊竟夕朱絃爲君續

青雲亭

前人

射畢孤峰聊獨上繞峰冬樹發孤雲天開遠岫遲遲  
見水落寒江細細分禮樂衣冠光此地綱常簪組愧  
斯文亨衢接武尋常事孝子忠臣萬代芬

翠雲洞

徐良傳

初夏暑氣薄林杪生微曦問訊翠雲寺駕言良在茲  
平生足幽探重此先賢遺想當星聚時草木流華滋  
風泉動清聽雲物亦多姿云胡周道塞來路紛且岐  
朱絃不復響瓦缶更迭吹所賴天之靈鬼神不可欺  
黽勉始自此逝矣勿復疑義和無停馭白晝忽已移  
惻惻出門去來者更爲誰

文昌新河

前人

秋色下平蕪長歌召酒徒沙邊新理檝花木舊行廚  
白鴈傳書杳蒼鷹振影孤無須論遠近蹤跡散江湖  
峯下示采藥客

湯顯祖

朝登青路峯暮宿青雲館平生識藝薄并是浮情嬾  
清明無著書寒食多神散但問丹鉛術未暇金銀管  
登臨頗盡適交襟并濡緩笑語林間寂白雲松上滿  
南來川氣長北去山頭短冲光豈無毓元微庶幾續  
寄言采秀人未便風華斷

西池望二仙橋

前人

池上暎秋光登臨愛夕陽鏡中蒲柳色衣上芰荷香  
聽雨初畱屐當風一據牀倚蘭延客語修竹以鄰芳  
翠紫連山暝清陰隔水涼坐看人世小仙馭白雲鄉

白水

前人

庭光欲盡山明歸古木溪頭燈火微客子行舟隨地  
轉聞人破鏡一天飛多名楚雀暮枝急無數河魚春  
水肥歸去文昌門外井紅桃香露滿人衣

金鷄城前望白水有懷

前人

金鷄城前花未稀白水莊前人正歸詎道園林初服  
晚獨憐江海寸心違芳臯夏翟羣衝翳繡薄春蠶半  
上機不少當年琴釣友去來還得藉音微

良安峽

揭重熙

壁立雙崔嵬巨靈何日開氣爲王國壯水向帝城來  
舟人似無罇濤生欲噴雷瞿塘徒擁蜀高詠少陵才

二

空江詠子規意象何悲淒勝國屈鸞鳳清時驟駭駭  
感懷固異緒文藻恨難梯峽上蒼蒼靄猶歌北斗低

洗墨池

劉玉瓚

一泓典午舊來池曾照先生滌硯時虎臥龍跳空想  
像烟收霧合正棲遲何須北伐投書記應起東山共  
酒卮磨墨詩人成往事驚鴻猶是暎寒澌

羊角洞

前人

吏隱時時得舉杯庭陰拳石半莓苔能遮三世紅塵  
斷便覺千峰翠靄來點點桃花春寂寞丁丁樵子晝  
徘徊還愁叩角書童至深鎖華陽不肯開

翻經臺

前人

顏公題記謝公禪斷碣荒臺共杳然古殿風微鈴獨  
語苔龜燈暗月初圓多生慧業驚池草半偈塵勞入  
社蓮聞誦釋迦文佛號文人應拜雨花編

擬峴臺

前人

峴首功名今古稀伊人何處弔斜暉勝情身與青雲  
近遠望心隨魏闕飛爽氣一襟開雉堞清流幾曲有  
魚磯低回壁上南豐記山水依然問俗非

金柅園

前人

老樹閱人真驛舍况於官閣記年華危樓只對秋山  
好芳徑惟鄰春草賒何遜舊曾畱逸興劉郎今更種  
桃花金柅名字誰題取無語東風冷絳霞

玉茗堂

前人



瓊花零落似唐昌玉茗堂前更森茫異種祇應天上  
有新愁只遣世間忙紅么輕點閒情賦綠蟻真傳却  
老方六六峰頭千古夢湯休宋玉兩難忘

### 撫州府部紀事

府志吳大帝時賊帥董嗣負阻劫鈔豫章臨川并受  
其害

晉永和四年十二月豫章黃韜自號爲帝聚衆數千  
寇臨川太守討平之

宋泰始二年晉安王子勛僭位於潯陽年號義嘉臨  
川內史張淹舉兵應之自鄱陽嶠道入三吳明帝遣  
蕭道成討平之

梁武帝太清三年侯景亂臨川人周續起兵討賊始  
興王蕭毅以郡讓續俄爲部衆所殺南城人周迪領  
其衆築城於工塘臨川人周敷據邑巴山太守賀翊  
下江州郡人黃法氈據巴山郡按巴山即是時巴山  
有陳定者亦擁衆立寨嘉定者今崇仁司空黃法氈  
當侯景亂聚徒衆保鄉里有奇術嘗變鹽池於宅之  
山下味獨鹹於他水

府志隋末番陽人林士弘與師乞起爲盜大業十二  
年據豫章討殺師乞士弘收其衆十餘萬子翊敗死  
據虔州僭號楚臨江人殺隋守令以附

唐高祖顯慶中有潭州佛像自移來州東二十里山  
中道有兩足跡長三尺相去五百餘步時酷旱刺史  
步至像所捧至州隨行雲布

僖宗乾符四年王仙芝遣柳彥璋掠撫州不能守鍾  
傳入據之言諸朝即拜刺史

通鑑南城人危全諷招合同縣少年即其居爲營鄉  
里賴之安南都護謝肇補爲討賊將賊帥黃大感據  
龍安鄉朱從立據石牛洞全諷討之期年悉平

府志廣明元年黃巢犯境兵火聯於四郊

通鑑中和二年鍾傳據洪州危全諷與會可圖等千  
人遂由南城入撫州

府志昭宗天復元年鍾傳圍撫州適郡大火士民謹  
驚諸將請急攻之傳曰乘人之危不仁遂解兵與全  
諷盟而還

梁開平三年全諷起兵謀復鍾氏故地與楊隆演將  
周本相拒諷敗於象牙潭被擒郡入吳

府志全諷將黎王藻聚殘黨爲盜淮南將劉信破之  
郡遂寧

崇仁縣志宋太平興國五年樂侍郎史宅旁有池藏  
巨蟒大於庭柱遇天露澄明鱗甲爪距燦然如金一  
日風雷大作蟒冉冉乘雲而上正侍郎登第日也人  
遂以化龍名池焉厥後四子聯登科甲至孫曾猶踵  
其芳云

淳祐九年正月有望氣徐覺者見紫氣於巴華之間  
謂當有異人出至於十八日鄉父老見異氣葱龍降  
於咸口里厥明壬戌吳草廬文正公生

邑五十都有巨石如牆屹立大溪中每紅見南則上

方吉紅見北則下方吉

府志高宗建炎三年十一月金人寇撫州太守王仲  
山降兵退復故是時隆祐太后幸虔州後軍王世雄  
潰以兵犯崇仁又犯臨川金谿鄧傳二社率部民兵  
與戰賊潰至南湖殺獲甚衆民賴以全

紹興元年正月李訓仁寇撫州

景定志紹定二年己丑江右苦旱汀寇入樂安三年  
春又入宜黃焚崇仁郡城大震闔帥遣遊奕軍來援  
兼檄鄧傳二社兵暨坊團義丁登陴設備賊遁未幾

復犯金谿鄧傳馳歸逐之事聞王師踵至賊遂平  
臨川縣志建炎中聶忠愍昌徇節後紹興中有張殊

者自北歸過絳驛見壁間有血書一律曰星流一箭  
五心摧電掣雙眸兩臂開車馬踐時頭似粉鳥驚啄  
處骨如灰父兄有感空垂淚子弟無知不舉哀回首

臨川歸未得其中空築望鄉臺蓋昌之精魂所作也  
府志德祐元年十一月壬午元兵至隆興黃萬石棄

撫州遁辛卯元兵趨撫州都統密佑逆戰於壁畚兵  
敗死之乙未通判施玉道以城降

二年六月吳浚聚兵廣昌取南豐宜黃寧都三縣明  
年文天祥起兵郡人何時聚兵應之

宜黃縣志鄒極未第禱夢於后土祠忽有一神人呼  
曰天道本無成明從公下生溫黃前後並黑暗裏頭

行大十口止各哀號三兩聲兩個六十五祇此是前  
程其後皆驗初聯則解試天道無爲而物成賦公生  
明則禮闈題也次聯則諒閣榜名次在溫姓黃姓之

間也三聯則持節本路丁艱也終聯則夫婦皆六十  
五歲而終也



崇仁縣志元至元十三年七月樂安寇詐稱勤王兵劫掠至崇仁監邑孫廷玉馳告帥府招討使也的迷失統蕃漢兵討之寇悉入民居官軍遂焚南市伏屍數里

十四年崇仁民羅辛二聚衆數百長驅八縣監邑忻都遁尹羅某被殺焚縣治儒學去孫廷玉仍導帥府兵屠之

虞伯生在宜黃時嘗倚樓吟詩有五更鼓角吹殘雪之句忽隔溪有一童子揖而言曰角可吹鼓不可吹亟召之已失所在蓋詩鬼也

至正十二年閏三月自臨江富州入撫州監郡完者帖木兒元帥章士謙戰屢捷寇不能入而宜黃崇仁樂安焚蕩幾盡金谿被害更慘

十三年臨川民胡志學鄧和崇仁民杜四熊三劉世英各署將校攻劫不已叅政朶歹師久無功朝廷命廉訪使吳當兵部尚書黃昭招捕

十六年吳當調檢校章迪帥本部兵與黃昭夾攻撫州勦殺首寇胡志學進兵復崇仁宜黃於是撫州盡平

十八年陳友諒陷龍興司徒道童平章大徐赤奔撫州友諒兵追襲執完者帖木兒遂陷撫州

十九年六月新淦寇鄧克銘擒殺劉世英據崇仁樂安仁人王溥據金谿友諒以克銘爲右丞據撫州

二十二年明太祖敗友諒兵招諭江西僞漢丞相胡廷瑞餘千守將吳宏建昌守將王溥皆請降命吳宏取撫州克銘詐請降鄧愈駐師平塘察其非誠捲甲夜趨平旦入城克銘單騎走愈命叅謀聶迪署府事

二十三年明太祖以建昌元帥孫榮鎮守四月江西降將康泰祝宗叛奔撫州孫榮失守城市一空右丞相胡廷瑞招諭康泰降之祝宗走新建死癸卯召吳宏還以理問代之八月金大旺擒克銘弟至明及其黨鄧敬與等於崇仁郡境悉平

明宣德九年甲寅樂安賊曾子良倡亂據大盤山官軍討平之

崇仁縣志成化七年紅光見於南平溪陳籌領是年鄉薦後屢試無弗驗者

正德五年閩廣賊分道寇樂安宜黃並受其害

府志六年臨川東鄉盜徐仰四艾茹七等作亂殺官兵縣令龍諾督民兵薄賊巢幾被執總制都御史陳金以所調狼土軍討平之乃建東鄉縣八年亂復作胡世寧討平之

十四年宸濠反知府陳槐集義旅繼郡兵後征濠東鄉賊復起流劫郡縣金縣典史李鳳統率衆禦之爲賊所害殺官兵三百人

崇仁縣志南城外二里都石莊吳君道南居也萬曆十五年門前坵中生嘉禾一本九穗越明年春二月雷擊門前古樹書二字時觀者揣其文似及第狀後果驗

崇禎五年贛賊數百人從未豐入樂安崇仁宜黃多被焚掠各鄉民兵禦之殺傷相當半月而遁承平人民不知兵聞變驚擾知府蔡邦俊召募城守過於張皇時中丞方倭平賊之功民受傷者皆建坊紀績十年寧都人張普微以邪教聚衆劫掠宜黃圍建昌嘉定志黃金瀨去縣東二十里有潭莫測其深吳

吏部曾云幽明錄載有釣於此潭者獲一金鎖引之遂盈船下有金牛奮躍釣者驚駭俟其引鎖歸潭僅斫數尺

吳智甫爲邑宰晚治事風雨雷電大作庭中有火光迸走頃息吏報縣南村民饒相家倉穀皆變爲甍後有道人過其處以石擊所敗穀堅如石乃拾取研水服之或問其故曰此雷丹也能愈疾

邑西聖寶山山有石大如梧實圓瑩光滑與世間劑和爲丸者不異其色微紅服之亦能愈疾

稅課局大使求伯傑陞彬州知州留所畜一犬於官舍犬戀主不食而死劉公濬作義犬歌

金谿縣志楊僕射廟在縣門內故老相傳云神名文愿姓楊氏邑人也明相地之術云邑南有瘟黃山宜立廟以厭之因種豫樟七十二株以應七十二候開井二十四所以應二十四炁今樹與井猶有存者

毛桃峰趙良者爲谿獄吏有羣盜擬獄歲暮趙提點之盜並泣云家有老親弱息也趙憐而縱之限其來不至主者治趙罪仍許趙捕緝趙入山迷路忽一兔引導遂見羣竊如故趙勸其賣刀買犢相與耕鋤而卒後爲神勅封趙大將軍有禱必應在信州雙山寺爲最著



撫州府部雜錄

蜀都雜抄撫州出兩大儒前有王荆文公安石後有吳文正公澄向使荆公無熙豐之事文正高不仕之節皆程朱等輩人也荆公值宋祚將衰故釀禍多文正當元運方隆故享福盛此士難以成敗論也

撫州府部外編

崇仁縣志晉元康中王郭二仙從浮丘修道華蓋山夜嘗有光彩徹天太史奏疑有非常朝命大將李元晏來征見雲間兵旗森列對陣交鋒卒無所傷元晏矢鏃悉墮地化爲瓦礫俄而黑雲四塞晝景昏暝元晏心忽開悟叩首謝過俄有桂枝寶弓自空降下元晏遣貢於朝帝勅班師仍命中使賁詔來迎三真人辭復勅護巴陵令夏子嬰詣山朝謝仙有神光必風清籟靜之候纖翳俱無忽見白雲如練迸出一珠圓若銷銀將成狀俄頃大如車輪騰騰直上三眞像儼若品字分坐於中

金谿縣志三源里一楓樹挺生嶺表梓人欲伐之夜夢於五橋僧請救僧乃捐貲贖之後化爲羽衣人來謝

臨川縣志臨川人岑氏嘗遊山溪水中見二白石大如蓮實自相馳逐捕而獲之歸置巾箱中其夕夢二白衣女稱姐妹來侍知二石之異也恆結於衣帶中後有波斯國人以三萬貫易之岑氏因此而贍恨不

能問其名與所用云

徐三誨爲撫州參軍其下幹力黃魯者郡之俚人父母在鄉數月一歸必旬日後來一旦月餘不至三誨遣吏召之家人曰久不歸矣尋之月餘乃見在深山中黃衣屣履挾彈而遊與他少年數輩皆衣服相同捕之不獲匿草間三四日果擒之問其故曰山中有石氏者其間如王公納我爲壻也數日復失去又於山中求得之一日竟去遂不復見此山乃郡人採石之所蓋石之神也

宜黃縣志寶積寺昔有慧僧失其姓名好奕忽有俊士褰冠華衣日來與奕叩其鄉貫則曰徽州紙商躡其往每從寺後登山詫非其路因俟其更至潛窺之變成黃龍入石孔中僧驚視其孔甚細尚遺二龍甲於旁亟命工斲大其孔龍遂不至因呼其處爲回龍洞

崇仁縣志明成化三年四月十八日邑簿劉琛朝華蓋山三見神光又有金船出自洞中金光影耀蕩漾雲浪之間此瑞惟危學士未遇時得覩又有天燈必朔望庚申甲子天開黃道始呈斯瑞時則一光既發漸至三三五五漸至千百萬炬儼提燈來朝狀照耀山谷至中夜乃止又有金鷄現朱冠玉喙紅足白爪毛羽金光今其形不復見但豐歲則鳴以爲天下之兆



欽定古今圖書集成方輿彙編職方典

第八百九十一卷目錄

臨江府部彙考一

臨江府建置沿革考

臨江府疆域考

臨江府星野考

臨江府山川考



職方典第八百九十一卷

臨江府部彙考一

臨江府建置沿革考

通志

本府

禹貢揚州之域春秋爲吳越地戰國屬楚逮秦滅楚遂分屬九江郡漢析九江爲淮南又析淮南爲豫章郡新淦地卽屬豫章爲都尉治所新淦地隸豫章之宜春清江地亦屬豫章之建城東漢新淦清江新淦地屬如故三國吳仍屬建城豫章而新淦改隸安成郡晉平吳割安成郡屬荊州清江新淦仍屬如舊宋齊梁陳因之隋改屬洪州又爲廬陵郡唐仍隸洪州其新淦新淦地分屬吉州袁州吳州析置不一南唐始以蕭灘鎮爲清江縣仍隸洪州而餘邑分隸如前云宋以清江地建臨江軍郡名至此始見蓋從轉運使張鑑之請也遂併吉之新淦袁之新淦俱隸之元置臨江路明改爲臨江府屬江西布政司領縣四

皇清因之領縣四

清江縣

附郭

漢地屬豫章之建城東漢屬如故三國吳仍屬建城晉武帝太康元年平吳屬建城如故宋齊梁陳因之隋開皇九年地改屬洪州唐武德五年以建城爲高安置靖州七年又改筠州八年廢仍隸洪州後唐屬吳洪州之高安南唐天福五年李氏篡吳明年以蕭灘鎮爲縣仍隸洪州保大十年置筠州清江隸焉宋淳化三年建臨江軍縣附郭與今同元屬臨江路明屬臨江府

皇清因之編戶二百五十三里

新淦縣

漢地屬豫章東漢仍屬豫章永元以後分置石陽巴丘縣卽今峽江地三國因之晉因之宋齊梁陳屬如故隋併入石陽巴丘縣地屬廬陵郡唐屬吉州後唐屬吳吉州南唐吉州宋隸臨江軍元隸臨江路陞縣爲州明復爲縣屬臨江府

皇清因之編戶二百二十七里

峽江縣

東漢永元之間分新淦置石陽巴丘縣卽今峽江地隋新淦併入石陽巴丘縣地屬廬陵明嘉靖五年從郡守錢琦之請析新淦之南置卽古石陽巴丘地屬臨江府

皇清因之編戶一百七十六里

新淦縣

漢地屬豫章之宜春東漢如故三國吳寶鼎三

年始置縣隸安成郡晉割吳安成郡屬荊州宋齊梁陳因之隋開皇中因廢安成郡遂廢縣入吳平屬豫章十年又廢吳平入宜春十八年置袁州其地又屬袁州唐初仍屬袁州繼析縣置西南吳州尋廢改爲縣南唐屬袁州宋隸臨江軍元屬臨江路陞縣爲州明復爲縣屬臨江府

臨江府疆域圖

皇清因之編戶二百六十七里





本府

東至南昌府豐城縣界八十里

西至袁州府分宜縣界七十里

南至吉安府吉水縣界一百七十里

北至瑞州府高安縣界九十里

自府至省城二百二十里至

京師五千二百三十五里

東西廣一百五十里南北袤二百六十里

清江縣

清江附邑也東至南昌府豐城縣界八十里

西至新喻縣界五十三里

南至新淦縣界二十五里

北至瑞州府高安縣界二十里

東西廣一百三十三里南北袤四十五里

新淦縣

府南六十里爲新淦東至撫州府樂安縣界九

十里

西至新喻縣界三十里

南至峽江縣界四十里

北至清江縣界四十里

東西廣一百二十里南北袤八十里

峽江縣

府南一百二十里爲峽江東至廣信府永豐縣

界四十里

西至新淦縣界三十里

南至吉安府吉水縣界四十里

北至新喻縣界八十里

東西廣七十里南北袤一百二十里

新喻縣

府西一百二十里爲新喻東至清江縣界八十

里

西至袁州府分宜縣界五十里

南至吉安府廬陵縣界七十里

北至瑞州府高安縣界八十里

東西廣一百三十里南北袤一百五十里

形勝附

本府 清江縣附郭

南唐吳鸞議當南粵虔吉舟車四會之衝

圖經閭皂玉筍爲鎮山

未魏知古詩碧嶂清江

新淦縣 玉筍玉澗選勝宜遊黃岡桂湖至今

不改

峽江縣 石洞當水口之衝玉筍總仙壇之會

新喻縣 北有蒙山南臨淪水

臨江府星野考

通志

府屬總

後漢書天文志玉衡斗九星也第六星主揚州

常以五巳日候之乙巳爲豫章

蔡邕月令章自斗六度至須女二度謂之星紀

吳越分野

魏太史令陳卓曰豫章入斗十度

晉書天文志豫章入斗十度

一統志臨江袁州南安俱斗四度

臨江府山川考一

通志

本府 清江縣附郭

章山 在府治西偏晉有羅浮道人章昉修真

於此故名又曰富壽岡宋宣和中太守汪師心

修郡圖得碑石於池中始知古名富壽

瑞筠山 在府城南二里唐歐陽處士董宅叢

生瑞竹色爛如銀故名瑞筠山

皇清康熙二年參議施閏章建亭山左旣成產紫芝

數十本因賦詩紀事以紫芝名亭改山曰紫芝

山

龍岡山 在府城西南十里舊傳有赤土如環

者二若龍眼狀掘出則雨雨過如初

雲谷山 在府城東北二十五里

紫淦山 在府城東四十里寰宇記作紫金以

石色紫翠淦水經其下作金色故名

棲梧山 在府城西南三十里有太平玉虛二

觀及靈芽丹井青蛭塘蟾蜍谷葛峯筍竹崖真

君泉聖水亭故云

黃岡山 在府城西南三十五里有仙女塔東

晉王長史遇仙女張麗英棲梧山沒葬此

夏山 在府城東北六十里上有石潭其流可

灌田數百畝

銀嶂山 在府城北七十里石色如銀

閣皂山 在府城東四十里形如閣色如皂道

書以爲第三十三福地漢張道陵晉丁令威葛

孝先修煉於此有宮曰崇真潭曰投龍塘曰九

龍泉曰漱玉池曰磨劍山中有靈仙館山北有



高峯爲丁真人壇唐宋時宮觀甚勝碑記題味頗多自後迭修迭燬散佚略盡

金鳳洲 在府治文明門對岸形如鳳古識云金鳳洲圓丞相出是也宋黎立武有金鳳書院今廢有來鳳亭其上

萬碩洲 在府城南十里上有柑園最盛其地則清江新淦各隸其半也

清江 在府南五里袁贛合流爲清江宋羅知古詩層層碧嶂來無盡滾滾清江遠莫追於是得泄直囓西岸沿江由清碧橋而上至清波門石砌及街俱摧圯渡以木棧宋郡守趙希愷潘岡中趙師呂元李侗明戴瑤尚縉吳敘相繼贅築民始賴之

太平江 在府城西三十五里出蒙山之陽經華陽江會袁江入贛

蕭水 在府城西五里又名小陽水源出棲梧山及烏塘合流而爲蕭水中有灘曰蕭灘亦曰蕭洲下流至南昌府境入江

淦水 源出茂村離鄉嶺經紫淦山至清江鎮會蛇溪水入贛江

小阜水 在府西南十里合袁水入於贛江按水經云瀘溪水合小阜經袁州其源頗遠舊志云縣西南十里未詳

蕭灘 在府治灘以蕭水得名梁武帝南幸會駐此水又呼判官灘

蛇溪 在府城東其源自永泰下五里分江水

爲溪三十里復與江流合此卽銅鑼江水也昔時春夏水泛瀾數十里民不可田宋淳熙初部使者築堤捍之患始息明成化末贛水暴至徑北衝蛇溪遂成大江田土沒入幾千百畝嘉靖叅政陳大賓知府徐灝先後議塞不果議者謂塞銅鑼江俾江水盡經府前入大江則賈舶通生理蕃祇候便官民省且與形家諸吉合然水深廣矣又駛挾山拒河萬牛不力計將安出况鳩衆移粟括金問藏非銖鎰之較而旬月之積也又謂塞不善

沉香溪 在府城北卽閤山水也閤山左界水會淦水至鎮入江右界水出沉香溪南流又東折至豐城界小江口入江

虎跑泉 在府城東南唐魯孝子廬墓感虎得泉故名

新淦縣

東山 在縣東二里有永壽寺宋劉次莊卜築前爲堂野池名戲魚池自號戲魚翁下有練中丞宅

秋山 在縣東五十里有蘇令祠陳永定中蘇爲巴丘令

豐城山 在縣東五十里舊名百丈山唐天寶六載改今名

尚樂山 在縣東六十里有宋武帝廟禿女岡皇后陂六尺源羅公坑三百陂諸蹤湓峰山 在縣東六十里其山環擁十二峯有王郭浮丘三仙壇

石屋山 在縣東北七十餘里有石巖如屋廣三丈中有石山

刻木山 在縣南十里下有孝子刻木廟

伏泉山 在縣東七十里上有泉飛空而下皎然而素舊名石泉山亦唐天寶中改

秀峰山 在縣南二十里有雙峯席帽峯

小廬山 在縣北六十里有石池馬跡印石飛瀑四注

峽山 在縣南十里有霧峰祠祈禱輒應

鳳凰山 一在縣迎春門外一在縣北五里岳廟前

楓岡山 在縣南十里對學宮挹秀門有楓岡寨唐末彭玕拒楊行密於此

大羅山 在縣南三十二里出雲則雨下有甘泉歲旱則人汲泉以禱

安山 在縣南六十里有陳岳陽王祠墓

仙女峰 在縣東南七十里唐時李氏女得道於此鄉人爲立廟於峯頂

葛仙峯 在縣西二十里有葛洪丹竈及祠宇

絲峯 在縣南二十里有黃蘗館一名黃蘗山唐權載之有黃蘗館遇雨詩

天柱峰 在縣東北二十五里兩峯並起名大天柱峰小天柱峯

梅仙峯 在縣東四十五里有梅欒鄧葉四仙祠山下有白竹寺

玉華峯 在縣北三十五里對山有著棋峯相



傳爲浮丘修煉之地又云王郭二仙著棋處

東皂嶺 在縣東十五里一名玉華峰

茱萸岡 在縣北五里上產茱萸

大洋洲 在縣西北四十里許有英祐侯蕭公

祠

湄湘水 在縣南一里自東三十里高嶺發源

經惠政橋入贛江

泥江水 一名沂溪在縣南十里源出樂安縣

西北流入於清江

金水 在縣北六十里小廬山西經廬陂西流

出石口入於贛江

藍陂水 在縣西八里源出百丈峯下蘆溪至

黃荆渡入江

逆溪水 在縣西十里出源頭經南坑湖田橋

入江

桂湖 在縣南挹秀門外明萬曆戊申縣令朱

邦禎以水勢徑洩惠政橋於學泮漫無關鎖率

民開濬遶迎春門循秀峯學泮而出名玉帶水

玉澗 在縣南七十里源出玉笥山廻互紆曲

號三十六澗宋朱熹詩獨抱瑤琴過玉溪朗然

清夜月明時如今已是無心客却怕山前荷蕢

知

秀溪 在縣東北二十里達於江宋曾宏迪嘗

請御書秀溪二字刻石其上

蓮花潭 在縣南三十里潭畔有巨石狀如蓮

花

讀書潭 在縣西南十里唐盧肇讀書鍾山嘗

扁舟溯洄寓居潭上

鼎泉 出縣南鼎峰之上爲瀑布下注數十里

外皆見焉

劉仙井 在縣南一十里舊傳仙人劉守真煉

丹井其泉清甘病者飲之可愈

九星井 在縣治內相傳斲井時泉湧出有浮

漚若九星隱映其中

峽江縣

鳳凰山 在縣城基跨之

鐵雷山 在縣北三里卽古巴丘鎮山

石洞山 有獅象石明解縉遊此畱四十日李

中有詩

安山 在縣東南五十里有陳岳陽王墓及廟

記云岳陽王墓在玉笥鄉館頭安山

玉笥山 在縣東南四十里道書以爲第十七

洞天曰大秀法樂之天郁木爲第八福地舊名

羣玉峰漢武帝時嘗降玉笥於山故名漢梅福

及晉郭桂倫彭真一袁景立梁杜曇末蕭子雲

皆嘗學道於此有峯三十二壇二十四洞六十

二亭十一泉五池七潭一石四井四塢二宅二

巖四祠一其他名勝不可悉紀

都督嶺 在縣西七里相傳周瑜屯兵於此舊

有相公祠今廢

亭頭水 在縣西三里源出七里洞環城北經

新田大安橋入峽

堰水 在縣北二十里合新喻界頭水東流入

清江一名烏口堰舊志作漚

黃金水 在縣南三十里自新喻界東流入斷

金鄉九十里入峽昔有人窮水源得黃金珠數

升卽此處故名黃金江

踏石水 在縣自吉水界巷里流經員嶺黃金

江入峽有大石互江中石有足跡深寸許世傳

張果老跡

新喻縣

虎瞰山 在縣治之南勢如虎踞俯瞰渝水舊

有臨梁館廢爲學宮下爲虎瞰巖有二泉如目

曰虎瞰泉

雲岑山 在縣治後有閣舊名鎮遠樓邑人傳

鸚有記

玉几山 縣後上有山如几故名山巔有亭旁

一小阜方正砥平呼爲印台

鐘山 在縣西六十里裴子野宋略云永嘉元

年廬陵洪水有鐘自山峽流出驗銘乃是秦時

樂器山以此得名安成記云鐘山臨水阻峻春

夏湍洑涌沸噴上白沙如米兩岸各九十餘里

名曰米沙以之候歲若一岸偏饒則其方豐穰

地與分宜接界寰宇記所謂水南曰南鐘山水

北曰北鐘山也隨時欲於新喻設鐘山府其名

本此山下有盧肇讀書臺

銅山 在縣西北五十里山產銅鑛唐大曆後

置官場宋平南唐罷

瑪瑙山 在縣北六十里蒙山之右有雷祠浮

丘王郭三仙壇

東山 在縣北四十五里上有廣教洞虛敞如



室者八九石乳所溜作鐘磬花木蚪龍之狀石壁多宋元題詠剝落不可讀

鼎山 在縣南五十里頂有泉常不竭泉旁寺曰頂泉睦宦之水出焉宋尚書謝諤讀書其中相傳有野猿聽講

三山 在縣南三十里三峯並峙宋進士陳大猷居此乃堯咨兄弟之裔明陳綸有讀書閣在其下名三山書閣

貞華山 在縣南三十里一名薩陽山形如火邑多火災土人立北極廟於其上

蒙山 在縣北七十里巉巖插天上有天雲標月光峰彈子嶺

蟠龍山 在縣北十里自仰天岡至此山勢蜿蜒如龍蟠石泉清冷可溉田數千頃上有古刹石梅峰 在縣東三十里上有雙巨石俗呼丫

髻岡嶺上有雷祠峯下爲何神童墓

白梅峰 在縣西北四十五里山出猴筍亦呼猴竹嶺上有習鑿齒廟明詹事習嘉言庶吉士習侃家其下云即鑿齒後也

吟峯 在縣北四十里宋初吳鸞與弟鳳吟嘯其上山以此得名有亭曰嘯亭泉曰嘯泉

石門峰 在縣北五十里三峰秀聳巨石對峙如門峯北有賜護台紫雲寺吳將軍廟明梁寅讀書於此

場岡 在縣東三十里紀勝云江西有小白花玉潔幽香土人以爲場花縣東有場岡多此花也按此花卽今山礬

仰天岡 在縣西北十五里上有仰山祠祠前有仰天池泉甘歲旱不竭山半有石梁跨屬絕壁可渡號仙人橋

曹王洞 在縣王不知何時人嘗駐軍此山有躍馬石跡洞廣數丈相傳有龍居靈隱寺道明禪師塔皆在焉明梁寅嘗讀書講學於此著有蒙山賦及詩

喻水 在縣一名秀水其源出袁州萍鄉之盧溪經新喻達於贛江

睦宦水 在縣南二里源出鼎山北流三十里入渝水

距河水 在縣東北出袁州分宜之洞村有兩源一涂塘一龍塘合距村南三十里經過濟橋合渝水灘峻多石舟楫難通故縣治遷於虎瞰之旁其水秋後產白魚甚美

板陂水 在縣自分宜之崇法院東流過界首入縣江寰宇記所謂五浪者卽江口之合流處也

醴泉 在縣西三十里宋黃太史庭堅嘗飲之而甘曰昔張又新陸鴻漸輩不及知也因題其旁石柱曰醴乳縣有醴泉鋪以此名

鳳凰池 在鳳凰門外數步深廣不數尺四時汲取不竭水清且甘舊時有鳳凰浴此故名



欽定古今圖書集成方輿彙編職方典

第八百九十二卷目錄

臨江府部彙考二

臨江府山川考二 水利附

職方典第八百九十二卷

臨江府部彙考二

臨江府山川考二 水利附

本府 清江縣附郭

府志

一都一圖小里塘 橫坑共一十八丈深七尺

潘家塘 雲騰廟前共二十六丈深六尺

龔家塘 何陂共七十二丈深六尺

李灣塘 閘港共三十二丈深五尺

督塘 楊師坑共二百五十七丈深七尺

小羅塘 何家門前共二百五十八丈深六尺

下東源塘 徐家上首共一千六百六十五丈

深七尺

白洋塘 上施塘 共七百二十三丈深六

尺

追塘 羅家門前共八百七十丈深六尺

朱塘 朱坑共三百三十丈深六尺五寸

後里塘 劉家下首共八百二十八丈深七尺

大羅塘 劉家門前共一萬一百九十五丈深

六尺

二圖下庫塘 龔家門前共一百七十五丈深

五尺

羅塘 楊師坑共一千一十六丈深六尺

泉坊塘 敏塘 共八十一丈深六尺

柏樹塘 李家門首共六百五十七丈深六尺

小塘 塘坑共八十一丈深六尺

斛零塘 斛零共二百八十九丈深五尺

白悶塘 敏港 共五十三丈深六尺

黃遺塘 黃泥塘 共三百丈深六尺

三圖敢陂 楊家橋共八百一十丈深七尺

長陂 楊家腦共一千八百丈深六尺

湖陂 辛塘 共五百丈深七尺

上庫塘 鄒家門首共一百八十五丈深五尺

朶塘 彭城共七十丈深六尺

麻坑塘 老官廟背共七十二丈深六尺

李灣塘 張家山下共二百二丈深六尺

檀塘 共三百六十七丈深六尺

敖家塘 荆江山共七十三丈深六尺

軒塘 軒塘共二百二十五丈深六尺

敏塘 敏港共一千五百八十五丈深六尺

朱家水窟 陳家坑共八十五丈

四圖昇陂 桐江廟共一千二百丈深七尺

矮陂 閘港共四百五十丈深七尺

上甘塘 桐坑共三百二十丈深六尺

甘竹塘 桐坑共三百二十丈深六尺

桐坑塘 桐坑共四十三丈深六尺

簡家塘 簡家坑共四十三丈深七尺

熟姑塘 簡家腦共五十一丈深六尺

烏柏塘 共一百一十七丈深六尺

潘塘 簡家腦共五十一丈深六尺

丁家塘 騷坑共四十三丈六尺深七尺

鄒孟達門前塘 閘港共六丈六尺深七尺

白坑塘 騷坑共四十五丈深七尺

新塘 廖家洲共三百九十八丈深六尺

雷公塘 共一千八十三丈深七尺

新塘 廖家洲共一百五十六丈深六尺

桐坑子塘 桐坑共一百七十八丈深六尺

烏柏子塘 共四百九十四丈深六尺

小西塘 小西共四百一十三丈深六尺

五圖拏塘 何家門前共一百六十三丈深六

尺

厚塘 厚塘坑共一千四十二丈深六尺

石拏塘 何家山下共八百二十五丈深六尺

小拏塘 鄒家港共八十一丈深六尺

下甘塘 馬前山共一千一百六十丈深七尺

苦基塘 苦基坑共三千二百七十丈深六尺

二都一圖大筴陂 敏港共五百一十三丈深

七尺

東塘 灰山下共五百一十三丈深七尺

黃遺塘 黎家門前共五十七丈深六尺

茯苓塘 施塘尾共二百一十一丈深七尺

竺塘 東嶽廟前共四十八丈深七尺

舉塘 原坑共四十五丈深六尺



二圖西坑塘 東林寺上共四百七十五丈深六尺

新芳塘 原坑共一百六十五丈深六尺

河塘 廊宇廟前共一千一百四十五丈深七尺

元興塘 共一百七十五丈深六尺

南塘 小姑廟上共一百七丈深七尺

金釵塘 梔子山共一百五十五丈深七尺

瓦塘 鬼坑口共五百二十丈深六尺

羅篤塘 社山下共一百六十五丈深七尺

三圖乾小塘 胡家坑共七百八丈深七尺

四圖蕪羅塘 板廟上共一百八丈深七尺

鬧塘 廖家店共二千三百七丈深七尺

姜塘 姜塘共二十九丈深七尺

宋塘 宋港共一百六十丈深六尺

勾塘 共一百九丈深七尺

五圖湖陂 湖陂下共五十丈深七尺

六圖黃公塘 劉家門前共七十丈深七尺

八圖桑塘 塔廟下共七十五丈深六尺

漁塘 盧前堆共二百二十丈深七尺

塘坑塘 虎狼坑共一百五十丈深六尺

小烏塘 烏堆共一百四十五丈深七尺

九圖曲水塘 曹家坊共六十五丈深六尺

十圖泉塘 敖家門前共一百八十丈深七尺

石孤塘 敖家門前共一百三十丈深六尺

軋小塘 軋小塘共七百丈深六尺

三都一圖祿陂 陂上共五百五十丈深六尺

都與陂 下蘭共八十五丈深七尺

塔臺塘 梔頭共五百五十丈深七尺

官塘 窟背共五百八十丈深七尺

下塘 張公廟共五百九十丈深七尺

上塘 梁家門前共九百六十丈深六尺

二圖徐陵陂 橋頭共一百七十丈深六尺

三圖萬坊塘 後莊共一百五十丈深六尺

南塘 白沙共五百七十丈深七尺

古竹塘 秧坑共一百七十丈深六尺

四圖小洲塘 苦竹坑共五百八十七丈深七尺

上塘 夢坑共七十五丈深六尺

五圖會上塘 廖家坑共三百二十餘丈深六尺

六圖長陂 古牛石共九十五丈深八尺

枯莊塘 樓前共四百一十丈深七尺

七圖夢塘 觀塘共一百七十五丈深六尺

新油塘 上廠共一百五十七丈深七尺

四都一圖庵塘 油塘共三千五百七十五丈深六尺

晚塘

福山寺前共一千五十七丈深六尺

根湖塘 根湖共六百四十五丈深七尺

草上塘 草上塘共三百丈深六尺

二三圖吳楓塘 袁師坑共一百一十丈深六尺

尺

樊園塘 苦竹坑共一百三十丈深六尺

五鳳塘 五鳳共一千九百丈深六七尺

四圖段塘 苦竹坑共二百一十丈深六尺

大林塘 矮羊坑共八十五丈深七尺

巖塘 周田坑共一百三十丈深七尺

密城塘 密城共一千四百四十四丈深六尺

南陂 嶽廟前共三十五丈深七尺

土陂 廟前共六十五丈深六尺

竹陂 烏港共五十丈深七尺

五圖烏塘 香水坑共三千一百一十八丈深七尺

六圖規陂 神山共一百四十丈深七尺

樟陂 樟樹共一百七十丈深七尺

大陂 茶鹽鋪共六十七丈深六尺

逆陂 檀樹共一百一十六丈深六尺

石陂 檀樹共五十丈深七尺

六圖羅塘 社公門前共九百七十丈深六尺

朱塘 朱港口共三千三百二十五丈深六尺

坑塘 茶鹽鋪共一百一十七丈深七尺

小里塘 馬港共一千八百四十五丈深六尺

新塘 羅港共四千四百六十丈深七尺

八圖郭家陂 郭母坑共一百一十丈深七尺

芮塘 茶鹽鋪共三百五十丈深七尺

彭公塘 丁陂傳莊二千五百六十丈深六尺

赤溪塘 盧前坑共一萬三百二十丈深七尺

西塘 共二千二百八十五丈深六尺

東塘 共一千二百三十六丈深六尺

簡家塘 簡家港共二百五十二丈深六尺

晚塘 晚塘共一萬二千五百三十丈深六尺



九圖古上塘 馬坑口共九百六十六丈深六尺

李木塘 唐家塘共一千二百丈深六尺

西塘 蔡家港共一千七百丈深七尺

蟹塘 東坑共三千六百丈深七尺

郭母塘 廣坑尾共二千二百五十丈深七尺

未塘 大禾塘共三百七丈深七尺

高泥塘 高坑口共一千五十丈深七尺

傳祿塘 傳祿塘共一千六百五十丈深六尺

東塘 東塘共一千一百丈深六尺

五都一圖石陂 郭家門前共一百二十五丈深七尺

二圖烏陂 陂共一百五十丈深六尺

一二圖詹虎塘 楊家門共七丈深七尺

故家塘 傅家門前共五十二丈深七尺

馬牯塘 官山下共三百五十丈深六尺

規尾塘 廖家下廠共三百丈深六尺

赤塘 鄒家門前共五百丈深七尺

劉簡塘 南山下共一十九丈深六尺

箭塘 艾家門前共三百一十丈深六尺

三四圖供陂 彭家門前共三十五丈深八尺

下杉塘 鄒家門前共五十丈深七尺

凋能塘 陳家門前共五十五丈深六尺

鄒家塘 鄒家門前共一百二十丈深七尺

大野塘 赤塘共三十一丈深七尺

東諫塘 山岡下共一百二十丈深六尺

泉塘 鄒家門前共二百一十九丈深七尺

規塘 劉家門前共八十五丈深七尺

箭塘 角坑共八十丈深六尺

杉塘 鄒家門前共九十五丈深六尺

合桶塘 官路上共一百九十五丈深六尺

中山塘 東山寺前共二百八十七丈深六尺

東河塘 東禪寺前共三百丈深六尺

零塘 東林寺後共八百丈深六尺

五圖是陂 羊牯共一百五十丈深七尺

小陂 彭家腦共五十丈深七尺

六都一圖壇前塘 黃土共一百二十五丈深六尺

五圖姜塘 姜馬塘共八十八丈深六尺

卒竹塘 朱家門前共六百九十丈深七尺

金澤塘 園山下共九百七十六丈深六尺

鄒家塘 鄒家港共五百七十丈深六尺

廟前窟 金澤共四十二丈深六尺

二圖高泉塘 高埠共六十四丈深七尺

謝家塘 黃土共六十四丈深七尺

龔家窟 壩口共十六丈

三圖荆道塘 湖頭共六百二十丈深七尺

羊瓦塘 長山頭共六百二十丈深六尺

黃滿塘 墩上共一百五十六丈深六尺

省塘 二郎廟前共一百五十丈深七尺

小林州圩岸 金澤高一丈共一千六百七十丈

水隴窟 墩上共四十丈深五丈

四圖掃阜塘 長山共一百一十五丈深七尺

朱家塘 河口共七十一丈深六尺

晚江塘 河口共三百一十五丈深七尺

峰坑塘 饒頭洲共二百八十八丈深七尺

下塘 長山共一百四丈深六尺

上青株塘 江口共一百七十五丈深七尺

五圖竹塘 長山共六百八十八丈深七尺

泉塘 官路口共一百四十丈深七尺

蒙山江圩岸 太平共二千五百丈

六圖東頭窟 馬清共二百八丈

七圖蓋塘 台虎山共一百四十九丈深七尺

鴨子塘 江口共六十四丈深六尺

易家塘 江口共一百四十四丈深七尺

神山塘 洛陽洲共一百一十四丈深六尺

黃家陂 高車埭共六百四十丈深六尺

橫坑窟 席家埭共六十四丈深五尺

八圖洛湖塘 洛湖洲共四千丈深七尺

三文塘 腦頭共二百二十丈深六尺

九圖廢塘 官路邊共三百二十丈深七尺

橋坑塘 院下共六十四丈深六尺

廟前坑圳 姜湖河共一百七十丈深五尺

四圖前歷塘 前歷共五百二十丈深七尺

六圖長湖 磯頭共一千二百丈

洛湖 陂頭共五百八十丈深七尺

七圖荷葉湖 族湖共三千一十丈

遙遠湖 城頭共一百一十丈深七尺

八都一五圖富塘 傅家坑共一百七十五丈深七尺